



表海叟集序

魏書詩咏漢之盛黃初為祖唐近體變隋之

哀真觀為宗

明詩在唐國在鼎革之初去故取新若吳中高

徐楊張四家其著者矣而雲間有表海叟名

訖者彼為集非四傑之下也叟曾為柱下史

漢有書其道猶龍自陸吉士浚獨嘉與叟

地何信陽兩先生喜誦叟

白燕之詩殊工形似而謂



景六最博不然也。叟所精者五七言古最上  
襄諸律絕猶不失中。馮夫其正對君臣父子  
之際明劉義守仁誼不曲阿。故詩之骨勁塵  
視軒冕釋惠文之冠。芙蓉製荷衣而逸海岬。故  
詩之志清。跳已蹈海以去。而卷無半愁悵。悵  
之態。彈琴高風。夷猶自得。故詩之氣和。斯乃  
久以人傳。非人以文重也。雲間作者代興。此  
其曠矣矣。柯嘗張以翅。君道深風雅。在尚友  
其鄉之哲人。豈為山臣。氏刻樂府原。而謂六

藝詩與樂一也。乃復為雙併刻。是集今觀其  
詩本忠厚以披文。而未嘗於巧艷。乎如旭  
日升朝。而顯氣之發春也。邈二百四十餘年  
而其人與文也不遠矣。何必遠追魏唐之  
風乎。以是知雲間多賢。而文章氣運之有初  
也。

萬曆己酉十月朔日漳南鄭懷魁書于澗軒

澗軒

重刻袁海叟集引

袁海叟以詩名滕國吾郡稱詩者蓋淵源于叟  
又其人磊落多奇蕭然風塵之外嘗應辟命一  
出為御史即以病免歸如神龍不可羈御實異  
人也然叟以時政孔棘務自韜晦故其名不甚  
著而詩亦稍、散逸陸文裕公始購得寫本刻  
之京師其後拓林何氏復得祥澤舊刻以活字  
板印行焉顧傳布猶未廣也余守衢偶携二刻  
退會之暇恒自披覽陸本頗多殘闕何本稍完

而字畫不甚整暢中亦間有異同者輒手爲校  
定更授副劇督何李二公意不可一世人至論  
詩獨稱叟爲國初諸家之冠是意可令泯不  
得與吳中四傑並傳哉刻成因題其端以紀歲  
月云爾

萬曆己酉雷月九日郡人張所望題於衢之吾

兼亭

海叟集序

北郡李夢陽撰

海叟雲集間袁凱氏所著海叟其自號也會稽  
楊廉夫嘗作白燕詩及覽叟作驚嘆以爲不及  
叟師法子美雖時有出入而氣格韻致不在揚  
下其耿於叟者要非一日矣按集中燕詩最  
下景傳諸高者顧不傳雲間故吳地叟亦不與  
四傑列皆不可曉者夫毀譽可尽信哉 洪武  
間叟爲御史 上將戮一人 太子固諫而止

上以問叟對曰 陛下創業之義 東朝守  
成之仁 上意遂解未幾以病免歸翰林陸告  
士子淵叟同郡人聞道前事令人慨 生氣夫  
斯亦足以傳矣而況于詩乎叟名行既晦集亦  
罕存子淵購得刻本於京師士人家楮墨焦爛  
蠹涅者殆半乃刪定為今集仍舊名者著叟志  
也夫韓退之唐之聞人也其文至宋歐陽公始  
慕於世然則如叟者尚奚尤哉仲默謂國初詩  
人叟為冠故子淵表揚甚力君子以為知言

正德元年秋八月八日

袁海叟集序

信陽何景明撰

景明仕宦時嘗思士大夫論詩謂三代前不

可一日無詩故其美而不可尚三代以後言

治者弗及詩無異其靡有治也然詩不傳其原

有二稱學為理者此之曲藝小道而不屑為遂

正其辭其為之者率牽于時好而莫知上達遂

斯道廢矣學之者苟非好

譬之琴者古操人所不樂

聞又雜學新聲繁豔易學人又喜之非果有自信就不就所易學以媚人所喜者也若是將使古道復至於無聞焉而已矣景明學詩自為舉子塵宦於今十年日覺前所學者非是蓋詩雖盛稱於唐其好古者陳子昂後莫若李杜二家然二家歌行近體誠有可法而古作尚有離去者猶未盡可法之也故景明學歌行近體有所於二家苟及唐初盛唐諸人而古作必從漢魏求之雖迄今未有得而執以自信弗敢有奪

今年罷官歸自以有餘力得肆觀古人之言又欲取我朝諸名家集讀之然弗多得其得而讀之者又皆不稱鄙意獨海叟詩為長叟歌行近體法杜甫古作不盡是要其取法必自漢魏以來者其所造就蓋具體而未大耳噫其所識亦希矣吾郡守孫公懋仁薦于好古其子繼芳者從予論學大有向往當索古書無刻本者以傳予謂古書自六經下先秦兩漢之文其刻而傳者不足讀之矣海叟為國初詩人之冠



人悉無有知之可見好古者之難而不可以弗傳也乃以授之而并繫以鄙言觀者亦將以是求叟之意矣叟姓袁氏名凱其集陸吉士溪所編定者李戶部嘉陽有序其履歷可考而知也茲不復述

袁海叟詩集總目

第一卷

琴操五首

樂府十三首

四言古詩六首

第二卷

五言古詩七十二首

七言古詩十九首

第三卷

五言律詩五十三首

五言排律一首

七言律詩七十四首

第四卷

五言絕句二十八首

六言絕句九首

七言絕句一百三首

目錄終

海叟集卷之一

雲間 袁 凱景文 著

張所望叔翹校定

琴操

草野操

黍苗之芑、兮資雨露之功終歲在畎畝兮豐  
年之可望堯舜去我兮日遠而心傷夏王有道  
兮吾於此而徜徉

傅巖操

日之將出兮余趨乎築之所杵丁々而不息兮  
汗淫々之如雨日既入而始休兮飯麓糲而不  
能於乎其命兮余何諱乎此苦

陋巷操

父之生我兮斯為人類師之教我兮庶斯名之  
無愧簞有食兮瓢有飲人唯我憂兮我樂滋甚

渭濱操

渭之岸盤々兮其流湯々我居其下兮于今幾  
霜朝飲其水兮暮食其鯉與魴我日斯邁兮於

余心以何傷

負米操

路之遙々兮實百其里以兒視之不逾尺只道  
路豈不遠兮我親實餽親之餽兮兒安得止親  
食飽兮兒心安兒勞悴兮親胡為歎

樂府

門有車馬客行

主人堂上坐門前車馬來車馬一何廣遠近生  
塵埃好客不厭多惡客胡為乎寄言主人道結

客何草々

江南

江南好流水中有鯉魚與鴈鳧汝出取魚與鴈  
鳧養我堂上姑；今年老鳴鼓鳴鳴鼓鳴々良  
可哀生而不能養死當何時回死而不回鳴々  
良可哀

短歌行

昨日舊穀沒今晨新穀升壯年不閒住哀年日  
憑陵日月行于天江河行下海々水不復回日

月宵相待日月不相待自古皆死生死生不能  
免安有却老方仙人鄭伯僑於今在何旁尔骨  
苟未朽蝼蟻生肝腸独有令名士可憫情何傷

鷄鳴

鷄鳴双戸間行人出門闌出門一何易入門一

何難君今行遠地妾欲致微意燕趙尚豪俠殺

人為意氣齊魯多儒生彬々守徑羨臨岐不感

慨自古稱為明送子涉遠游聽我鷄鳴行陸本

句作四言臨岐不感占稱  
為明送子遠游聽我鷄鳴

紫駟馬

君騎紫駟馬遠上燕山去老母倚門啼淚灑門  
前路泪亦何時乾馬去无回步前月附書還致  
身在郎署月賜既已多娶得尚書女身榮自可  
樂母死無人顧多謝鄰里人將錢治墳墓

從軍行

烽火塞上來發卒備戎虜翻々長安兕力未暇  
弓弩幸蒙車騎念出入在幕府風烟一朝息歸  
來受茅土翻咲李將軍血戰自辛苦

獨漉篇

仰天々無窮俯地々無限天地自無盡誰為百  
年人百幸之中人漢能幾汝不成人憂我父母

雨雪

雨雪雨雪淒風如刀我行中野而无溫袍我寒  
我飢誰溲我知四無人鼓但聞熊羆々欲攫我  
熊溲奪我々身斃々進退不可進固難矣退亦  
何止還望舊鄉遠隔江海江波湯々海波洋々  
我思我鄉死也可忘

芳樹

芳樹生後園棘生芳樹  
傍虫來嚙樹根終也被  
棘傷棘傷虫即死樹葉  
自芬芳忠賢在君側四  
夷敢陸梁不独君与臣  
亦有弟与兄兄弟宜相  
近不宜遠相忘相忘亦  
何難外侮不可當君看  
芳樹諱：短義則長

估客樂

大船峨峨來小船蔽江下  
借問是何誰云是襄陽  
估襲輕貨走四方衣美  
錦食稻糧可憐江南農  
元老与小終歲力耕不  
得一飽

銅雀妓

流塵拂還集根樞儼然  
陳歌吹自朝暮君王寧  
沒聞松柏有時摧妾非  
百年人願為陵上土歲  
久得相親

楊白卷

楊白卷飛入深宮裏宛  
轉房櫳間誰能復禁尔  
胡為高飛渡江水江水  
在天涯楊卷去不歸安  
得楊卷作楊樹種向深  
宮飛不去

游子吟

游子行萬里母心亦如之陸行有虎豹水行有蛟螭盜賊凌寡弱霧露乘寒飢誰云高堂安中有萬險危寄言里中子親在勿遠離

四言古詩

荒園

羹之荒園陰之霧霾雜以灌木帶以蒿萊麕鼠蹉蹕鴟鴞嘯哀中有一士憔悴形骸三丘不顯終身无媒冠裳綻裂毛髮毳毳食无餘糝室有

浮埃朝飡并李夕蔭園枝爰有琴冊咏歌喧阗亦有流泉載沿載洄豈不辛苦聊用徘徊昊天賦命如彼之材卑不可抗高其能推貴賤賢愚孰能遷推足父天縱向亦奇才厄陳屢空曾无歎嗟明之聖軌烈之高懷景行先指敢不欽哉

賦蔣氏壽萱堂

漫之黃浦東流為蒲維蒲之陽李碩氏居維李碩氏夙失其怙母氏是拊是浚是頤是乳是哺燥濕易處不敢咲語不敢恐懼母也勞苦既長

而教出就于校復因復好克荷克紹母也其堯  
嗟我母如彼昊天何以報之唯以永年燁  
芳草樹之于陰翼高堂匪高且深維此芳草  
其氣揚母氏觀止其憂乃忘既忘其憂其樂  
油无有災咎維康維壽其壽維何如山如河  
不竭不磨寢食具宜水有游鯉陸有杭米烹炙  
浙洗甘滫膏瀡酌此春醴于堂之北旦若是  
曷其有既我歌我詩置之于楮告尔後來孝也  
可儀

陶節婦詩

維費榮敏江夏啟封何以喜家戶侯縣公抑  
節婦實維其孫始由旧姻遂此新婚翁亦大族  
内外百口爰覲令儀具曰賢婦其賢維何孝于  
姑孀凡百之為敬恭是將夫良妻柔敬之如賓  
雍閨門曾无间言姻親之問歲時問遺榛栗  
棗脩固敢遺墜孰司其叔降此厚災昔如兩龍  
相隨以飛如何中途羽翼忽乖又如黃鵠雌  
啗一失其雄雌將疇依亦既逝止家亦毀矣



焚：孤嫠將溲何倚婉：弱女索：空宇載枝  
載梧越此寒暑維此寒暑厥維艱哉人往我憂  
我寧嘆嗟如彼之白涅亦不猶如彼之堅磨亦  
不虧蓬首布衣多歷幸所不懈不怠有進无阻  
天相厥德女既有家庶幾其門不墮以遐昔聞  
共姜之死靡慝亦有孝婦終養不忒人亦有言  
千載一時欲知古人視此後來山則有杞隍則  
有芷溫：淑人百福是履我歌此詩可配國風  
實而不浮觀者是龔

賦耕隱

維古四民次二曰農維及我私豈忘于公沮溺  
之徒始為隱淪滔：不歸乃潔其身溫：黃生  
在彼原畛既耕既芸遂名為隱其隱維何無与  
於去左饁右粥聊以卒歲人亦有言可仕則仕  
苟非其時進退由已嗟：衆人不惟其危朝趨  
夕奔終蹈禍机惟生之為彼善於斯悠：我心  
樂且無灾

徐氏建華亭李詩

渠：新李徐卿始作伊誰克完孝子仲寬惟此  
新李始亦甚隘爰斥爰捕以就于大其大惟何  
有門言：有堂軒：有廡騫：有階平：高墉  
連：鑿地濺：樹木芊：凡民之俊其來如雲  
小心鞠躬不惰以勤惟昔玄聖訓言斯明百工  
居肆匪肆不成嗟：尔俊亦既知止豈徒誦言  
厥有微旨其旨惟何曰仁与義明仁与義不遠  
甚迩尔求其方先我孝弟惟此孝弟为仁之始  
始于家邦终于四海昔為棊撲今則梗楠昔為

砥砭今則珣璫是蓄是儲邦家之需嗟：尔俊  
克就兹美誰其始之徐氏父子徐氏父子可謂  
曰賢我歌我詩刻于李宮以告後人以永其傳

賦許思敬真率軒

遠古之初民性質朴不侈不靡燔黍捭豚汗尊  
杯飲取足而已淳風既漓日趨於卑如彼流水  
食必方丈噐必雕鏤蕩然无紀其或不然是有  
浚言争咲迭毀洛河之南大賢是居思整其圯  
倡為真率以究其源以室其委真則无偽率則

易成亦克為礼惟許敬氏恭儉和易深用仰止  
大書于家朝夕是瞻庶蹈其軌悠々之後既沾  
既濡曾不知此草木无章發為敢詩敬贊德美

海叟集卷之一終

海叟集卷之二

雲間袁凱景文著

張所望叔翹校定

五言古詩

新治圃成

隙壤所自治剪制去籠茸  
幸無焚穢難况此清泉涌  
灌滋竟朝夕勾萌各森聳  
青蒲已弥澤黄瓜方卧隴  
春菁向堪抱秋梨日應重  
自余通宦籍戢事勞紛冗  
祿食雖云美私心恒自恐  
歸來

得蕭茆采擷聊自奉且遂立園樂永謝承明寵

過揚州

淮海表茲郡東南誠要津近代亦雄藩親王蒞  
斯民荆吳自茲入燕趙亦來臻舟車无停運孳  
貨若丘墳冠盖充鄼里歌吹咽城闉美酒既如  
渾梁肉夾道陳休養近百年富庶難具論大道  
無恒處榮悴每相因風烟一披拂奄忽同埃塵  
空屋嘯躡鷓鴣崩垣走鷲鷹荏苒交四野駝駘儼  
若新貴賤不復知賢愚安能分予有山陽誠經

過屬秋辰憑高肆遐覽落日无行人欲徒蕪城  
作薄劣愧忝軍

自揚子舍舟步入常談縣

水行已兼旬舟楫苦馳逐晨昏侶鮫鱷出沒同  
鴈鷺黑風无終竟白浪仍反覆鏗錡絕天樞滿  
泮折地軸旋澗屢頃墜利石時抵觸淪喪固非  
遠哀籲寧諱躓皇天實陰隲茲辰遂平陸神魂  
息漂蕩手足敬頑木徒侶紛來慶酒葢及妓僕  
况茲春氣和百草回新綠山苑亦多蒼委蛇自

相屬粉榆已在迹曠隔無再宿送茲謝奔走且  
飯東臯粟

書北山精舍壁

夙昔慕幽曠中幸值奔走及茲始知返固已成  
皓首茲為山水選風氣固深厚率律皆嶮崿綿  
邈盡林藪清泉馮出磴白雪被層阜既多緇素  
流況有耕釣叟初心已云協雅言得兼受始來  
踈梅墮復此山櫻剖底幾公日遲誰謂行當久  
揮手謝朋侶吾將寄哀朽

送吳立本歸吳門

九月氣已肅蟋蟀入牀下噉々南來鴈寂歷江  
上兩傷哉遠歸人斯時不遑處豈惟懷鄉里瑩  
域久藜莽襍蘇无何禁蕒謁曠時序長年抱憂  
感噎鬱將誰語茲行遂初志况復念勤苦勾吳  
不可見迺々望烟渚

久旱雨後行園

旱疇不可沮立園生意窮旨蓄已无遺何以御  
吾冬昊天無終極玄化沛神功密雲興四郭飛

雨蔽遙空涸池既堪蕩長溝復淙深  
紫高梨亦垂紅堤柳更薄陰汀蒼  
還短叢荒隴爰登陟平林望青葱  
即此已愉悅固知憫疲農愧无詩  
人德何由歌屢豐

辛酉大醉書東人壁

人生百幸中疾疫与灾危風雨愆  
期至歡樂能幾時仲春二三月  
菴李正華滋蝴蝶滿東郊倉庚  
鳴且飛招我同心人策馬試羅  
衣東家飲美酒西筭彈鳴絃鳴  
絃未及已四座賦載詩日暮

始歸來明旦復如斯君看多財子  
計惜在毫釐終夜不能眠握筭至  
晨曦一朝籍縣官雖悔何所追

擬曹丕芙蓉池作

葱龍佳木陰蕩漾綠水池月出麗  
高城流光溢前墀芳草生路傍馥  
郁隨風吹臨軒酌芳醴東翰賦新  
詩雖非賢主人列坐皆瑰奇而况  
同一心相爰不復疑君看隨陽鳥  
洲渚亦相依四海皆兄弟斯言豈  
為非願歆夙昔好黃髮不可違

夏景南宅擺霞

高齋夜方永明燈吐光華賓友遠來集笑語紛  
以譁中庖出脍鮮盈盤疊頰霞獸鬣灑濤瀾象  
箸正交加屢潰不歇頻啗之味愈佳春醪亦時  
至醉飽豈云賒我本羈旅人不復知嘆嗟何以  
著斯美永言發滛哇

淮安道中

蒼明野館靜對暗流鶯語行雲千里來凌亂傷  
心緒傷心復何事家在江南渚日暮莫回頭脉

脉天涯兩

偕友人早出郊

離群寡游豫得朋殊繾綣相將度春水散漫入  
芳甸班荆相乍歛摘蒼露猶泫林鶯坐未出沙  
鳥飛還見遙山浮空翠晴雲曳輕練一聽野人  
言復起滄洲頭

詠池上雜卷

猗那臨池沼的皪異蒿蓬丹鳳已軒拳牽牛亦  
蒙茸天蓮破輕碧春羅敷淺紅葩露方卧隴因

風更依窓離立各為妍纏綿復成叢乃知生物  
心非藉雕琢功淋漓元氣間洪纖係其逢悠々  
念吾始默々思何窮

送縣李生碩立夫歲貢入京

霰雪殊未已山川氣方沍千里向蕭條胡為事  
奔赴明廷策多士歲貢有程度海隅蒼生地慎  
選恐違誤况炫生民秀敢聞見庠序居然瑚璉  
器匪但才華富茲行協輿論拭目俟騫翥朋游  
極追仰張設臨浦淑踈柳凝晚色幽巷抱寒素

嗟余久衰邁漫此動離緒悵望天際帆徘徊鄙

西路

池上二首

秋池行樂去池對色已暝露下夕衣涼月上風  
簾靜飢禽墮踈竹鳴蛩出溪井夜久人事息蕭  
然諸念屏

振衣書齋客道遙池上步林隈薄霧起石隙幽  
泉度鷗迷夕對返魚觸秋荷去清散水上來欲  
去更延佇



席上懷吳善鄉

荒城下餘照高對面殘雨林靜微巷落梁空孤  
燕語美人事征討日夕嚴虎旅接袂竟何由持  
杯望烟渚

范氏溪南野色樓

水北有層甍軒窓靜沉沉下視平郊迥草對亦  
蕭森葵、區落間道、烟靄深幽巷被高阜夕  
嵐滿遙岑歸鴻共遵渚海雀遶鳴陰我聞鷓鴣  
皮輕舟去江潯安知遠孫子高卧遂閒心焉能

脫吾駕送尔日登臨

題東齋壁

林序寄幽曠墟落但烟霏澤葵依廢井秋瓜生  
故籬左右皆鹿場水鳥終夜飛我來歲云久似  
与杵相違讀書不闻道聊復自娛嬉濁酒雖不  
多酌之亦忘飢仲父雖云仁對塞犹見非小人  
固有分儉陋乃其宜原思坐鳴琴允也百士師  
鄉友携酒至舍下

野老何所將春醪及園蔬遙、適我舍相与為

次娛上談義皇際下逮唐與虞秦漢无足論且  
漫話樸漁樸漁雖微賤頗似淳古初戒之勿易  
言相顧但嗟吁老妻主中饋日暮更烹魚家貧  
無燈燭枯麻照座隅陸本无老妻  
以下四句且盡一日漿  
焉能念其餘

茅宇

丘中有茅宇賤子所自治東西貯筐釜中堂誦  
書詩鷄豚各有家蒲荷亦有池農器更相貸種  
對及時為朝出在田中日暮還此歸隣里相往

來春醪亦共揮老夫年既邁筋力固當衰享祿  
非所慕好爵不顧縻但願衡門下長无寒与飢

置酒

田間好風日

陸本作今  
非昨日

置酒衡門前林巷發光

彩飛鳥亦翩翩弱女時往來小兒誦詩篇細君

亦不惡中饋能周旋春蓀前後至息齧味亦鮮  
自我來此居倏尔已三年終歲不能安憂患相  
纏牽乃今得此樂豈復為偶然壺尽汝當沽醉  
來我自暇

詠池上芭蕉

亭、虛心植冉、繁陰布既掩猗蘭砌還覆莓  
苔路卷舒今自知衰榮隨所寓默契方在茲臨  
軒挹清醕

早出田所

愧元徑濟術徒有茂異名行游三十年不見有  
所成歸來得荒地僥悅始幸耕方春多雲氣甘  
尔亦時行大澤含澄瀾溝澮皆滿盈清晨出門  
去路與烟霧并庶幾望秋實敢懷勤苦情日午

有濁醪揮汗且復傾

耕田

廠薄非令器容受固不宜六籍雖云誦於道竟  
何知晚途棄耒幸農圃以爲師方春治策笠作鞋  
笠作臺南畝秉鉞基出入田水間霑濕豈暇緯但  
頭秋穀成童稚有粥糜沮溺自緯立小人安敢  
期

送林仲鏞崑山李耿有序

仲鏞博學有才行惜乎死於山東之亂

往教崑山崑山人至今稱林夫子云

送林作此序語意  
林死後追書之者

詰旦零雨歇幽澤多蘅杜美人治舟揖言往崑  
山下崑山萬家邑於焉有庠序談徑子所安操  
袂吾所慮會面不可知江水渺難度日暮独凝  
思諠々烟中對

題望雲卷

游子行遠道孤雲天際飛吾親舍其下道遠不  
可歸道遠將奈何孤雲正飛揚飛揚無時已泪  
下沾衣裳衣是親手縫線長縫亦密見衣未見  
親萬里空相憶相憶復相憶山川中間之兎髮  
今已白親顏當就泉雲亦日夜生親亦日夜安  
行當見親高无用滄瀾千

古意二十首

八弦何茫茫千里溟万里六馬方驕悍蹀躞終  
未已東臨碣石岸西涉流沙水炎洲氣輝赫幽  
谷水淋漓白日墮崦嵫蒼惶將何止王良奉賦  
工善御徒云尔焉能繫其足伏捭嗽驚鼓

翻、為孝士冠帝自成群朝去暮來歸終歲常  
辛勤盈、發春葩蟬、競芳辰飄風倏然來零  
落成埃塵黃鵠游四海日暮集崑崙願言息尔  
駕還居守蓬門

團、明月珠墮此濁水中光彩雖未泯淪沒豈  
有窮拔山固神力拳鬲亦无雙徒有千尋纆挽  
之竟何從類生不遠渡斯為盖也雄

楚人好魚目越人荐明珠一日三至門主人行  
徐、相見絕一言薄送下前除洛陽蕪李于黃

金滿後車鄒軻誦堯舜白首走道途

虜食出門去慘、踐嚴霜向子將何之千里赴  
洛陽洛陽有劇孟任俠也稱強我願從之游氣  
勢相頡頏路逢二子被服儒衣裳少長各有  
礼誨誦麋鹿場中心忽愛慕与被遂相忘

中夜治舟楫越海遠遊遨遊將何為萬室聚  
岩坳珊瑚七尺餘珠對羅蓬蒿持之向中國可  
以金張豪出門忽不樂欲進心恒慄但恐蛟龍  
怒骨肉淪波濤人生亦有命賢莫聖能逃遺穗

倘可拾言歸卧林臯

秦師困邯鄲趙氏旦夕危魯連山中來排難在

重圍

雜陸本  
作忠

折衝不復言薛金忽焉歸清風映

東海千載以為奇我思鄒孟氏處世一何宜披

髮雖可救閉戶終可為斯言足明訓賢獨未之

思

蒞：古人中我愛原予思食粟豈云飽衣裘豈

應時憔悴衡門下彈琴唱逸詩大夫適何來駟

馬行駢：入門即長嘆念予病何危貧病固不

同發言忽若斯誰為同門生白首不見知

莊周善著書汪洋不可禁時：詆仲尼而况賜

與參南金鑄芻狗隋珠彈微禽自昔多橫議言

高罪弥深

李斯游洛陽名遂身亦危一人具五刑於古豈

有之呼兕語黃犬相顧洋交頤斯時夏黃公商

山方採芝

段生方踰垣泄柳方閉門二子豈独善盖亦避

去喧種粟在南野種葵在東園日夕飯一盤万

鍾何加焉周孔有遺書李士有遺言吟詠荒園  
裏聊以終歲年

朝坐高堂上白飯鯉魚羹暮歸高堂上華燭送  
清觥况有四海人相愛如弟兄彈琴析疑義歡

樂各言情

言陸本  
作有

以茲度一立聊重不為輕不

李狂圖子空山望長生

登高望八荒未見不死人徒看後來塚累累傷  
我神伯儁與安期於今亦不存如何李仙侶服  
食正紛紛獨羨顏氏子陋巷以為仁

陶潛不願仕既仕亦為貧遙々太鄉曲當時已  
酸辛衣冠對信吏自卯直至申終日惟一食濁  
醪豈露唇歸來荒園裏此志乃復伸清風坐北  
窓鷄黍會四隣茫茫宇宙中我思見其人

白日生東海倏忽墮崦嵫皓月方滿盈斯湏亦  
已虧淮陰有奇功赫赫在一時焉知束縛去還  
為兒女欺天道每如此人事安足悲獨羨鷗夷  
子輕舟太江湄

迢々青雲上自昔為亨衢亨衢豈无極下視乃

泥途商君變澆時寧知裂其軀貴賤更送來榮  
辱在須臾願為雙白鷗游戲江與湖

閩中論功策

策陸本  
作業

相國稱祭蹤一朝請苑地

迂尉忽相逢免刑且徒跣局促如兒童陸生雖  
豎儒進退頗從容

文皇好直言容受元亩停鄭公在當時頗得諫  
諍名一畝田舍翁千載傷我情嬰鱗固為難回  
天亦非輕先人有薄田歸與長沮耕

幽谷有貧士白髮被兩肩人事既乖五年運亦

迤邐救屨久不縫短褐夙已穿讀書雖聞道好  
酒况元錢常遭富人嗤豈有貴人怜我聞齊景  
公千駟亦徒然夷齊餓西山後世稱聖賢  
十五志為李四海訪鉅儒低回梁宋郊浩蕩齊  
魯區庶從父老問得親交游徒惜哉戎馬起中  
道乃越趨歸來卧荒園白首成下愚

與倪元鎮飲得江上雨

霖霖飄无際凭欄千里陰芳田露泥々清波望  
沉々楚客帆已重吳宮對轉溪歸鴻无肅羽別



渚有哀吟君知此時意寧識故園心

賦得綠珠

於越山水秀自古有名娃綠珠雖後來散名天  
下誇明珠動万斛輕猶亦論車衆人不能得独  
向石崇家名園臨紫陌高樓隱丹霞文犀飾窻  
檻白玉綴簷牙為榮未及終前禍忽來加尊意  
何可忘微禽何足多委身泥沙際終令後世嗟  
夏女曾滅國周褒亦亂華古人已如此今人將  
棄何猶矇中郎女清淚濕悲茄

出西郊

谷陽門西路澗汨澗清川舟舸相縈蒨蒲苻亦  
芊綿依々望江渚漠々眇湖田湖田今有秋老  
稚飯紅蓮此實父母那亂離乃棄捐垂老幸一  
歸不識陌与阡卜築自兹始逍遙終百年

復出西郊

步出城西門春岸多流水嚙々沙鴈忒花々江  
雲起居民亦何事南畝將耘耔提携汀沙際吳  
語煙霧裡自予離燹兵廿載勞轉徙歸來展游

眺泫然悵我里餘年幸有待葎管終可理

賦得秦伯庙送倪元鎮

翦商肇基迹傳季思逮聖兄弟迹荆蛮讓德一  
何盛千家聿來送勾吳始開境遙々至闔閭國  
大心逾騁深宮貯妖麗高臺瞰遐迥既拒伍胥  
忠漫甘太宰佞鄰邦討讐怨上國肆爭競社稷  
終交遷軒窓獨完整相傳在閭里灑掃致嚴淨  
歲時具牲醴歌舞頻送迎楚魂久无食哉魄將  
誰縈強暴有湮晦聖哲无終竟於焉送將歸舟  
擄得依並是時春氣和氤氳滿芳迳渚巷動幽  
彩汀蒲發深艷江水公不息烟霧日將暝歛衣  
拜塔下懷哉起孤詠

游西墅

吳王逐獸地士衡聞鶴亭古人不可見荒原今  
独行遺堵儼若存阡陌漫縱橫依稀稀望極浦迢  
迢眇春城江對既曛靄源苍漫晶榮長烟覆漁  
屋白水亂鳧汀山川豈云異人事有消停即此  
傷往時聊復樂其生寄言後來士此理可自明

懷廣西省朱郎中熙

洞庭秋色晏蒼梧雲氣深夫君万里去山水迥  
沉之竟日凌浩渺連天欽眺峯鼉鼉游近渚猿  
狖戲遙林荏苒社若香蕭條楓樹陰 皇朝重  
絃土遠峽方致琛而我將何念歲暮獨離心離  
亦何極日夕遲徽音衛陽鴈不到搔首更沉吟  
吟

新除監察御史薛貫注別業

側席念賢俊旁求逮凡鄙謬當南宮薦重此柏

臺委命嚴訖敢後中夜奉田里鄰友贈予邁切  
切語未已妻孥独无言揮泪但相視于時十月  
交悲風日夜起輕舟泝極浦瑟々嚮枯葦驚鳧  
亂沙曲孤獸嗥荒市回首望旧序烟霧空迤邐  
撫膺独長歎胡為乃至此碩予久縱誕遠迹隨  
鹿豕及兹年已邁精氣固銷毀趣事諒為難速  
戾將在是 皇恩倘嘉惠還歸釣江水

察院夜坐

吏散車馬寧月色東城上欽衣高堂坐重門靜

無響文奏屏在篋朱墨委虛幌簷影動參差霜  
氣紛蕩漆耳目幸无伎心思多遐想圍庠日應  
敝蘿薦春還長况兹徃紀地王事方鞅掌安得  
春江棹東原歸愜仰

下直懷北山隱者

戴箬侍雲陞向夕始餘閑撫彼清冷觴悒此憂  
戚頽出軒月徃皓臨街露已繁廣庭行且止脩  
檻去復攀幽樹藹深翠餘香散微殷悅仰不知  
久星漢忽西還歸來空房卧嚴城漏欲殘鴉鷄  
九井動鴉鷄陸本  
作鴉鳴劍珮亦珊珊將隨夔龍後祇  
肅謁重瀾緬悵息心侶遺杵在雲山焉能泛之  
去迢遙叢桂間

荅礼部江主事漸

谷鳥嚶其鳴求友聲亦屢况生烝民間豈不念  
朋助齊魯久咨訪梁宋亦馳驚未路值伊人惟  
然樂平素文義既馴雅操存復貞固輔仁將在  
斯有挾非所慮欣然得嘉會終嘆少暇豫尔贊  
宗伯礼予牽中臺務俱限清地切日夕徒思慕

絃辰委篇什衷情極披露綢繆卜隣意委曲耕  
稼訴靖節休官薛安仁歸田賦歸田賦張衡二

作偶誤用耳

子不可見千載同軌度嗟予甚蹇劣豈復希高  
步聊伸菲薄意用荅賢俊頌東歸果能遂林序  
永依附粉榆輝映蒨鷄犬互來去開罔共賞新  
開罔陸本散帙時溫故弦意幸勉旃歲久恐遲  
暮

京師歸別業

郊園草已遍雜卉駐餘春游絲牽木杪孤鶯鳴

水濱羈人懷旧居日夕自傷神遙々千里涂豈  
復念若辛欣然入場圃兒女各來親當軒釋負  
擔拂衣棠塵老夫行役久歸來志復伸陶潛  
愛清風張生思故蓐援筆為此詩示我隣里人

新得溪上茅屋

食肉賤糠覈飢人安敢鮮狐貉輕短褐寒士固  
為奇自予遭立故奉室尽流離東臨滄海岸北  
度三江湄蛟螭時作橫鯨鼉屢見欺展轉及夏  
暮始見此門楣徒僻類司馬上漏似原思既无

陳平席豈有董生帷覆簣或成牆編葦聊當籬  
迥、白沙岡當戶勢逶迤遙、秋浦波臨軒散  
漣漪鬣蜚野鳥群參差灌木枝賦此平生意庶  
為百世規湫隘誠可哂欣幸方在茲

鄧園十詠

釣磯

白石自團、春流亦漾、澗漚雨邊至輕絲風  
外颺既寡羨魚情還潤濯櫻唱嗟彼磻上翁投  
竿復何向

柳堤

柔條被晴莎密陰覆芳杜委蛇起沙際寂寞連  
水滸鷗眠雨未歇鶯叫烟初曙還將竹竿去送  
尔釣春渚

碁墅

轟、林影靜白石况如砥幽、青苔色離、見  
屐齒豈无榻中叟還逢爛柯士日入始言歸相  
送清川溪

瀑布

青厓鳳流淙蜿蜒在憲戶臨風噴輕雪穿林散  
飛雨高源出無盡餘潤霑還溥羨彼軒中人似  
坐匡序下

桃谿

繁蒼亦何言人至迹愈顯因石自高下緣源屢  
回轉鶯啼陰久匝雨霽苔猶淺漁父欲問津烟  
中聞鷄犬

魚澗

幽壑湛虛靜衆鱗遠來歸游泳方自得沉潛亦

其宜既無網罟憂苻菜復參差辟彼翔集鳥悠  
然竟何疑

濯清

潭水川上來泓澄復潤淪涵虛既晶々度遠方  
粼々番々中林叟長纓久埃塵臨風且浩歌似  
念滄浪人

蓼灘

衍迤近橫塘陂陀間幽渚輕穗含夕霏叢條偃  
秋雨送橫覆魚隊闐寂來鷗侶杖策時一臨道

遥更延佇

松壑

矯々千歲姿生此衆石間微颺度岩阿殷々起  
波瀾幽人一壺酒日夕自怡頽安得川上舟与  
子相往還

杏塢

窈窕石逕深參差繁英滿發采已云奇生香殊  
未斷依々午橋路繁々朱陳阪月色散踈景時  
時坐橫管

題陶九成南邨艸堂

多士方見材斯人乃梧櫟東心自超越當時識  
趨舍迨々溪南村流水亦清寫草木發深潤里  
俗况淳雅於焉事結構而勢臨曠野分明治畦  
町日夕供灌灑秋菰已堪煮春菘行可謝子真  
久在谷幼安公諸夏囂雜既云遠憂患茲為寡  
願謝鷺鵠侶送君鷄豚社

題葛洪移家圖

有序

按晉書葛洪字稚川當東晉元帝時王導奉



為散騎常侍時江左卑弱亂臣叛將迄無寧  
一時諸賢如周載劉鍾俱斃於桀逆之手洪  
於是求為勾漏令覓丹砂為神仙事神仙虛  
无君子之所不道以予觀之其與苗侯從赤  
松子意同矣俗不知遂以為真有此事甚可  
笑也吾友顧德文蓄洪移家圖一卷觀其妻  
子奴僕牛畜家具累々相送皆人道之常求  
仙者固如是乎此蓋院人筆當時亦知神仙  
為不足信畧无一毫詭怪荒誕之意予甚愛  
之因為賦詩一章以祛千載之惑而申洪之  
志云

當時司馬衷愚駭回不慧牝鷄肆淫虐骨肉互  
吞噬淵聰乘時起諸夏受其牧瑯琊遂東來單  
弱何由濟賴此晉夷吾草々正神器固步未  
盡康禍亂亦適至王歆反上游蕪峻復凶悖淵顛  
已云亾超雅從絃斃葛生當是時幡然思遠逝  
駕言覓丹砂神仙或可致青牛載妻子羿冊付  
奴婢遙々向南海蓋欲避斯世羸秦亂黔首苗

侯佐高帝婉、幕中畫取勝千里外韓彭既誅  
醢相國下廷尉辟穀謝人間赤松乃吾契明哲  
終保身疇能測其意生也雖後來心迹頗相類  
茫、宇宙中清風飄无際斯人不可見撫卷增  
歎喟

題張國祥三味軒

張名麒  
號靜鑑

惟昔司馬氏奕葉遂紛披兄弟自魚肉宇内生  
瘡痍當時四海士委質公相隨既往不知返焉  
能顧危机至今鳴鶴嘆悽其有餘悲矯、張李

鷹明識終見微秋風西北來悠然起遐思微物  
殊可念榮爵竟何為晨興舍吾駕千里乃東歸  
斯人已云遠沉冥復誰知夫君實其裔遠跡江  
水湄嘉名極仰止巍、蔭華榭庶幾戶牖間日  
夕得自師明哲終保身發軔方在茲屬辭雖云  
厲可配吉甫詩

七言古詩

賦朱煥章所畜鵜鳥

東家有鳥名鵜鵠意度自幽凡羽殊冥飛時、

近丹穴夜宿往々歸蒼梧當時六翮頗无禁何  
乃困來庭除玄雲飄蕭羽衣碎俯仰飲啄隨人  
意空簷燕雀亦何心喧噪迫逐无寧地孤雌孤  
雌復何所落日烟波隔吳楚悅思當日伉儷初  
豈料如今各羈旅衆雖衆雖尤痛惜父既不歸  
无可食縱有弱母念汝溪浪高風急身无力我  
言鵜鷓君莫嗔忍耻含悲度此身不見四海干  
戈際多少思家失路人

王叔明画雲山圖歌

有客來自高句麗遺我一幅丈二紙纖白只如  
松頂雪光明不滅吳江水藏之篋笥今七年妻  
孥愛護如執綺至正乙巳三月初王郎遠來訪  
老夫陞堂飲茶礼未畢索紙為畫雲山罔初為  
亂石勢已大纍馳連拳馬牛卧忽焉披地高入  
天欲墮不墮令人怕其陽倒掛扶桑日其陰積  
雪深千尺日射陰崖雪欲消百谷春濤怒相激  
林下丈人心自閒被服乃是商周間問之不言  
喚不返源峯漢々愁人顏老夫見之空嘆息陸

无老夫見之四字作愁人頽空嘆息何由致我共絕壁王郎？  
不爱惜不陸本我買私酒潤君筆

現朱澤民所画山水圖有感

朱公画圖愛者衆，  
穀價端如古人重。  
王公鉅卿數見尋，  
往々閉門称腕痛。  
我時扶冊游郡城，  
朱公愛我詩律精。  
時々沽酒留我宿，  
共聽西窓風雨散。  
清晨起来忘洗盥，  
短衣飄蕭臨几案。  
太行中條眼底生，  
岩岫冥々氣凌亂。  
禹鑿龍門疏洛水，  
根入黄河元不斷。  
南及衡陽抵桂林，  
東入會

嵯連海岸是中置，  
我一畝宮正如浮萍。  
在江漢溪流蜿々石齒々，  
夾岸桃巷迷遠迹。  
京頭烟霧散鷄犬，  
屋裏詩書雜童稚。  
扁舟遠来知是誰，  
豈是昔日鷓夷皮。  
五湖蝦菜珠可樂，  
千古功名何足奇。  
只今四十有三載，  
公竟不歸画圖在。  
在在問好手，  
豈易得終日紛紛。  
勞五采感時念旧心，  
独苦况我頭頽白如許。  
呼兒捲却不忍看，  
白髮高堂淚如雨。

徐子脩画山水歌

夏家高堂生畫寒徐卿画圖墨未乾溪山大澤  
貯烟霧黑處似有龍蛇蟠襄陽小米師董源妙  
處不受繩墨牽頃刻万里凌風烟房山尚書亦  
稱賢化為白雲滿晴巔李家將軍極清妍畏避  
退縮不敢前至今海內人爭傳卿惟得此二家  
意損益往々元疑滯心思元居造化先筆力正  
在蒼茫際前年為吾寫林麓百道飛泉出幽谷  
老夫醉來不敢眠溪慮波濤捲茅屋荒堤曲阪  
路如線遠入溪林隱々見水上人家不閉門々

外幽巷滿芳甸徐卿々々我所慕日戴相看髮  
垂素安得吳淞千尺後更畫城東種瓜處

陶與叔宅观張子正画圖

陶翁画罔眼見稀自言愛之如珠璣清晨掛向  
草堂上已竟几案生烟霏蒼梧雲深衆鬼泣笠  
澤雨重群龍歸崖溪谷黝望不極独有黃鵠摩  
空飛々来潭上啄丹实牽動百尺藤蘿衣藤蘿  
飄蕭露石角林西更有幽人扉幽人長年不出  
戶薇蕨短小身常飢嗟々此是誰氏筆張君吾

文精天机君家祖父及卿相門戶貴顯中氣微  
讀書孝古有至行粉墨特用相娛嬉憶昔東城  
飲春酒君家林木含春暉當時揮灑每見及破  
屋往、增光輝自沒喪亂尽失去至今夢寐猶  
依、偶來此處見此本欲去不忍徒歎歎行當  
買船秋浦上請君同作釣魚磯

王若水為画秋江衆禽圖

錢塘王宰心思長欲与造化爭毫芒下筆百鳥  
相趨蹌前身豈是孤鳳凰江頭芙蓉巷正開卷

下徇浪亦縈回駕鵝貼、天際來雌雄相隨氣  
和諧一、双外央睡沙尾野鳧翻、唼菰米群鷗  
爭浴故未已傾落枯荷葉中水鶴錫飛、多急  
難睚鳩意度誠幽閒乃知良工有深意不在丹  
青形似間姑蘓臺前秋氣孤五茸城下烟疎、  
此時此景真相似独少扁舟歸釣魚宰也只今  
成老夫愛我不諱為此圖我今親老無可養慎  
勿重添返哺鳥

送曹生泛師

白沙入泥沙自黑蓬生麻中豈不直生子當置  
齊魯間礼義薰陶易成德三江雪華沒馬牛曹  
生叩門言遠游天地苦寒子何往負笈從師清  
泖頭曾君為儒士所知規矩進退无差池座中  
弟子十餘輩森々玉立多容儀子往拜之聽教  
誨師嚴友親各泛類一簣為山古所聞百川与  
海終相会他時還鄉拜庭瀾百年門巷生光輝  
里中父老皆称嘆矇似蘓家相国歸

送齊文韶歸東阿

江上春雲晴復濕落絮飛卷滿原隰此時君扣  
主人門七尺長身如鵠立自言稷下旧書生奉  
命江南宰山邑三年仕宦多变故八口飄零少  
收拾只今零落江海邊終日遑々但憂悒主人  
聞之不暇沐握髮出戶遽延入淨掃南軒催下  
榻更開西第同宴集時余挾冊依主人升堂再  
拜還相揖一時愛厚忘尔汝况宵瓊屑論階級  
朝向春園恣游衍暮歸雪案同温習尔來倏忽  
將五載歲月荏苒如呼吸君居北海我南海馬

牛之風豈相及偶然相值若弟兄信是前生有  
因釀今晨忽言歸故鄉主人錯愕余驚惶干戈  
未息多盜賊霜露既降无衣裳君言狐死尚丘  
首况我先壠安能忘聞君此語良可傷欲留不  
留空斷腸殷勤劝尔一杯酒明日思君江水長

病阿速

阿速蒙古別號也

杭州阿速病可傷况復四体多金創口類開除  
但乞丐終日氣鳴行路傷自言家在雲中住兄  
弟既死唯爹娘往年江南妖賊反聖旨差我隨

平章同行二千五百輩：輩選用皆精強孰知  
江南風土異不比中原尽平地中原地平好馳  
逐一人騰驤万人廢江南地卑山林密泥深馬  
滑无由立角弓着雨軟如綿只尺相看不能射  
九月十月歲將暮賊兵突入現音渡平章脱身  
向東走大半尽死无人顧我韋不死病已危丞  
相被逐无依歸異鄉此日誰相憫只似天邊孤

鴈飛

時丞相答識帖未  
兒為張士誠所逐

大醉後率尔三首



白頭儒生何所作，  
抱塵徧海邊，  
坐上書格君事已，  
晚殺賊，  
球民力，  
犹懦四十元，  
聞五十來，  
不如牛馬空長天。

身是江南儒家子，  
十五李徑二十史，  
低回欲得賢，  
聖心浩蕩更覓儒，  
先自當時自謂才可重，  
豈料中年人不用，  
白頭縱得溪上田，  
手脚生疎不能種。

腐儒李徑，  
不明腐儒欲耕地，  
无耕讀書耕田兩无成，  
不如相隨劇孟輩，  
博錢喫酒洛陽城。

夜歸

黑風漫天，  
雨汁海水蕩，  
滴如山，  
立沙頭，  
旧屋四角崩，  
草茅无人不收，  
拾此時歸來，  
夜將半，  
短衣无綿，  
滿身濕，  
西鄰燈火喚，  
不立飯，  
冷欲食，  
何由食。

夜徑胥浦鄉時新被寇

丙申冬

枯蒿蒞，  
雪初集，  
青泥小岸硬，  
溼濕草鞋斷，  
盡餘兩耳十步九倒，  
何由立，  
空村無人不敢入，  
野狗齧，  
累百十溝中，  
死人血未乾，  
終夜冤魂自

相注

老夫五首

老夫避兵東海頭海風吹衣夜颺：黃蒿斷岸  
少人迹飢鷲无食散嗽：狐狸向人呼姓名兩  
脚直立當前行自信遂来膽力壯此時对此魂  
欲喪

老夫避兵荒山側三日无食在荆棘鞋韉破尽  
皮肉碎血被兩踵行不得于時瘦妻寔卧病千  
敲呼之一敲应夜深困绝倚枯树逐魂啼来雨

如注

老夫避兵三江口江中夜：蛟龍吼嗾然一敲  
腦欲裂千尺長隄忽如走湏臾海門風雨来江  
水震蕩如奔雷同行百船半沉溺无力救之空  
歎息

老夫避兵黃浦上八月秋涛势逾壮蛟龍变化  
不自謀鯨鯢偃蹇還漂蕩船中小兒惧且泣婦  
女嘔吐无人色我独兀坐面向天篙師疾呼更  
索錢

老夫避兵三泖邊泖水濶絕無人烟惡風三日  
天正黑濕雲臭霧相盤旋草頭飛虫蠶人肉更  
有青蛇口尤毒小兒无知恣奔走我欲近前捉  
其手

逆陸本  
作向

海叟集卷之二終

海叟集卷之三

雲間 袁 凱景文 著

張所望叔翹校定

五言律詩

送孔提峯航海歸曲阜

宣尼老孫子白晷更長身家世誰能念干戈  
獨愛貧未聞興禮樂還似泣麒麟今日乘槎  
去魚龍莫惱人

送李高士歸荊州

南京高宴罷西土遂言歸江路  
枕殘兩荆門正落暉  
蓬生仲蔚宅秋入老萊衣  
明日思君處蕭條鴻鴈飛

馬氏西園宴別吳進士善卿

竹陰連水屋荷氣襲池臺  
南園佳人在西園高宴開  
好風因樹起新月渡河來  
別後江潭上離腸日九迴

懷陶叟

陶叟今何在迢迢江水東  
瓜田連暮雨荷屋近秋風  
本在羲皇上聊游鹿豕中  
幾時春夜飲還對燭花紅

陪楊廉夫登珠涇法忍寺閣次驛韻

伍子行師日秦皇駐輦辰  
英雄無處所樓閣自天神  
白鳥晴沙遠雲山錦對新  
誰知千載後悽愴吊斯人

客中除夜

今夕為何夕他鄉說故鄉  
看人兒女大為客歲年長  
戎馬无休歇閩山正渺茫  
一杯椒葉酒未

數淚千行

任氏北園呈席上諸公

春色誰家好名園江上開紅樓連廣陌白水接  
高臺魚畏垂綸去鶯因好對來高朋方滿座  
薄愧多才

采石春望

夜泊青山渚朝登采石磯蜀雪已消盡吳船猶  
未歸五湖花正落三江鶯亂飛同行王主事此  
日亦沾衣

春日偶書

罷官御史府屏迹五湖東江水供魚釣山巷費  
酒筒野情方浩蕩高詠極春容猶有春田事還  
尋荷蓀翁

泗州書懷

白髮三吳客清秋泗水邊宦途隨老馬歸夢逐  
風鳶酒盡尋僧舍書來問客船淮南與淮北漂  
泊過年々

自京師歸別墅

春園含薄霧野水散輕陰落絮隨風遠鶯啼生  
對溪旅懷方自遣幽意待人吟独少楊雄客時  
時載酒尋

思歸兼簡嚴八

天高風正急鴻雁傍人飛江外无來使淮南尽  
搗衣悲歌聊當泣遠道亦同歸為報嚴夫子滄  
洲与願盡

宴王主簿宅

故人王短簿未老即歸田賓客尊者艾園池有  
歲年好蒼白舞螭高柳宿啼鶻最愛西亭好時  
時得醉賦

懷王道士

宣城王道士愛着芰荷衣一自清江别三年白  
鴈飛酒徒隨處有沽客向來稀最憶青城夜狂  
歌不肖歸

王山人遠過

聞道神仙侶來尋野客園談玄終未悟對酒且  
忘言接對朱櫻密綠坡紫笋繁醉餘春水上生

聽白鷗喧

送張七西上

楚客舟航小吳門  
雨雪繁兵戈方浩蕩  
江海失攀援  
濁酒非能醉  
深交不易言  
明朝空寂寞  
獨對野人園

夜泊鎮耶城

江水春逾澗山雲夕更深  
移舟沙對底拄杖古城陰  
鴻鴈挽人舂蛟龍入夜吟  
故園雙泪眼拭斷更沾襟

聞張處士竹林甚盛欲覘未能兼簡王一秀才

聞道南村竹春來接遠坡  
色侵沽酒柿散送濯櫻歌  
甚欲敲門看須憑拄杖  
過餘陰過西沼應覆右軍鷺

陪陳應奉諸公宴馬氏西園

画樓臨曉日青盖度行雲  
歌吹三春好賓朋四海  
聞絮嫌飛燕態老妬綠珠  
裙曲誤誰能願周郎思不群

送任李二高士歸越

老去任公子重來李少君  
仙凡初不遠江海自離群  
水遠吳宮封山連禹穴雲汀洲有長笛日暮不堪聞

遠客

野客頻經雨溪邨  
獨閉門故人俱落魄  
稚子共朝昏城郭无歸路  
江湖有斷魂夜寒燈燄短  
嗚咽對殘樽

飲馬氏東園

馬良東苑內春色正芳菲  
上客調詩律佳兒試舞衣  
夫桃連雨發鸚鵡入簾飛  
况是多春酒歡歇夜不歸

書寓所壁

野水斜連屋秋林正翬床  
把書驚眼暗嗜酒竟身狂  
王伯功名切江湖正閨世  
分明故園路歲久欲相忘

賦陶與稚雲所二首

豈有送龍意還同野老居  
覆卷初丹々度水亦



徐、隴上時相逐溪邊或自鋤犹能作霖雨露  
灑及隣墟

其二

斯人肥遯士高卧亦无心野樹苗餘潤春巷覆  
遠陰近牀衣欲冷拂石坐還深為問陶弘景何  
如隴上吟

懷王生

王生本靜者郡邑少經過家住清江曲春來白  
鳥多親庖餘酒南官賦入菱荷歲暮還相憶臨

流独詠歌

春園

春園江水上江霧日昏昏沙暖常垂釣巷深不  
閉門小童鋤隴麥野客共盤餐食老仍耽酒經  
年嬾出門門字韻重疑當作却老杜有嬾慢无  
堪不出却之句表蓋用其語意耳

上巳日飲朱氏叔重東園

東園臨上巳北渚倒清觥門繫山公馬巷苗子  
晉生嬾羊方飫筋鮮鯉忍諠羨不用思歸本猗  
蘭白露生

登浦上閣

高閣春波上登臨獨愴然故鄉從此去久客未  
言還花好誰家屋帆輕何郡船朝來有微雨  
灑部西田

題西山璉法師壁

少離身毒國老本住精藍弟子傳燈去山灵入  
座叅猿啼雲外樹龍卧石邊潭更欲洵清梵空  
簷下夕嵐

邨居懷京下一二友注

罷職非能吏歸田即老農有詩聊度日无字可  
書空白髮將誰念黃粮且自春故人能問信家  
在五湖東

丙申歲書懷

素書犹在篋白髮忽盈簪空費千金季何嘗一  
称心呼鷄秋岸遠飲犢夜江深欲問三迂術陶  
朱不可尋

飲錢氏東園錢新内寵

小閣臨春水長堤護石橋  
龜游潭影動鶴舞竹

陰搖把酒依山對，垂竿入澗毛。只今蒼滿院，得似綠珠嬌。

贈張鳴善

白帝城中客，清秋碧海傍。輒坤方洵，身處獨  
惶。萬里空形影，全家墮渺茫。悲歌三百首，一  
斷人腸。

贈賴近仁

先生忠孝士，况是故侯家。南省曾攀桂，東林且  
種瓜。旧聞金可革，今見玉无瑕。老我空奔走，因

君漫嘆嗟。

送李千戶時有海東之後

中國人俱化，東夷貢未脩。聖君能大勇，滄海即  
浮漚。貌虎當前隊，魚龍避上流。人言漢飛將，今  
日定封侯。

寓所即事

沙水寒枕淺，江船遠未來。牽家憂米粒，終日走  
蒿萊。骨肉還相棄，交游定莫猜。癡兒飢困久，愛  
父強徘徊。

寓所寄何彥明

門倚秋沙白  
窓含野樹黃  
稍能親鴈鷺  
已竟遠豺狼  
旧髮送渠短  
新詩頗自長  
何郎最知我  
酒斲定能將

立春日飲任氏西園

把劍歸東海  
開筵近北臺  
千林殘雪尽  
万里好春回  
中散調琴坐  
山翁待酒來  
更須卷滿樹  
爛醉卧蒼苔

游會稽山

山實揚州鎮  
人逾浙水來  
禹功懸白日  
秦刻卧蒼苔  
龍起梅梁去  
神游石洞開  
明朝有餘興  
更上越王臺

懷張叟

說劍真无匹  
論文亦有神  
氣高終傲兀  
頭白更漂淪  
我正思前輩  
誰當继後塵  
江南春草綠  
何處問行人

飲田家醉浚書王生壁

勲業心逾嬾  
耕鋤意頗長  
布衣方自卧  
麟閣聽

渠坐瓜果隣家席詩書野客堂醉餘還講論未  
見野夫狂

泗上書懷

為客山川遠封侯歲月遲  
後生方尔汝吾輩復  
馳驅豈是逢迎倦  
深知氣血衰  
還將歸老意先  
報白鷗知

夜飲陳叟宅

西苑春光好東堂夜色濃  
捲簾池草碧入座燭  
花紅爛醉誰能禁  
高歌不自窮於陵陳仲子心

腹最知儂

將帥

將帥多兇戲君王待賊平  
斃人思報國何處有  
全城未識龍蛇陣  
頻遭大虜驚  
垂夫軍細柳千  
古漢家營

早寒

水鄉寒氣早未暮掩柴扉  
籬落無人過鷄豚各  
自歸老妻薰鼠穴  
稚子卧牛衣  
安得盈缸酒  
深杯日揮

懷京師一卜友生

故人千里外野老五湖東  
江水舟航便雲山使  
客通短書何契濶長日未  
送容老眼昏卷久因  
君數斷鴻

京師歸別墅

政拙諱駸馬身閑問絲策  
此生人共棄長日自  
行歌野圃啼鶯滿春江  
聞鴨多王家酒壚近風  
雨亦相過

移居

舊屋非吾有新居亦借人  
往來皆是客到處即  
為鄰鷄犬遭牽縛妻孥  
苦辛長歌燈下影禽  
也復何嗔

挽夏叔明

別去幾三月那知即九泉  
人皆遭劫故公獨盡  
天年執佛多名士傳家有  
象賢孝夫雙泪眼泣  
罷更忻然

題朱自明座右銘

有序

居官之道以廉慎為先處衆之方以謙

和為上此礼部尚書秦兼善以書博濟  
民者

吏治通南海皇徂委重臣贊襄多妙選甄拔到  
斯人礼部箴規切中臺翰墨新豈為銘座右万  
一可書紳

懷陶南却先生

柴桑老孫子清篔独超群身同鷗鷺侶心耽科  
斗文著書今已就運甍誰能勤袁安正高卧歌  
罷復思君

出三江口有懷野人錢衮

屢々无歸路悠々且逝波渚花風外沙江樹兩  
中多吹笛蛟龍聽閑窓鶴鶴過高人著書手頭  
白共蹉跎

五言排律

聞誅字羅鐵木兕一首

國步維微蹇天心自可稽瓜牙翻噬噉宗社欲  
顛擠蔽日朱旗入連郊鐵騎嘶紫垣通鞅猶玉  
座接鯨鯢聖祐无感晨昏且暫携濟河鼓香

香幽薊色淒、密詔親傳罷中軍氣欲迷登壇  
惟慷慨撫劍益悲悽敵愾心逾切勤王力自齊  
羨鼓驅海岳直氣扶雲霓減竈秋烟薄吹笳夜  
月低指揮容草々進退合祈々忌噐悲忘鼠憂  
苗更惜梯逆徒從剪伐元惡待屠封肘腋能无  
意神灵况夾批吕侯初受命董卓已然脐雲兩  
穉煩熱江河淮障隄萬方深澗望九庙实安栖  
天濶歸龍種雲山識馬蹄向安行玉趾視膳入  
金闺膝下次仍旧宮中樂未暎清秋多宴會仙

伏日東西宮女卷垂髻都人酒滿脾里閭聞笑  
語燈火雜狹提白日依中道青春入故畦遠人  
來服食絕域盡航梯岳祖功如在今王敬日躋  
鼎彛銘將相衽席措黔黎淮海休波浪湖湘罷  
鼓鞞既聞誅押虎莫自夸醢鷄桀逆亡身首忠  
賢荷璧珪休同隗囂輩終悞一丸泥

七言律詩

江上書懷

扈瀆城南秋氣高駕鸞鴻鴈各求曹不暇更識



匡床穩欲去還思小几牢  
幾處尺書俱寂寞百  
年雙鬢獨蕭騷秋江欲  
渡愁難渡風雨龍吟長  
怒濤

次王叔善祀天妃有雪

酒正初傳內府驟南來  
河伯避行舸百年祀事  
崇邪典半夜神光出海  
濤花散曉風矜爛熳禮  
成春殿肅清高聖躬端  
為蒼生禱不比乘槎漢  
使勞

聞笛

花發吳松江上舞隔巷  
吹笛正黃昏風塵遠道  
歸何日燈火高接合斷  
魂夜靜幾家无別泪兩  
醵終日過閑門天邊楊  
柳今无數短葉長條非  
故園

次趙法師過全秀才隱居二首

趙陸本  
作圭

墟里人家烟靄深背岡  
茅屋自陰々不愁返竹  
妨嘉實自愛繁枝集衆  
禽田父耰鋤時得借漁  
人舟揖莫相尋旧聞鷄  
犬苑源裏彷彿溪邊巷  
樹林

幽人讀書黃浦上蕭條茅屋倚高岡霜露木葉  
溪々赤潮雜溪沉混々黃傍舍杯盤多芋栗秋  
園門巷亦馨香為語當時仲長統輸君清曠自  
徜徉

江上送高文起夫分韻得暮字

青春送客黃家渡千里汀洲帶芳樹烟中歷々  
白鳥來白晏翻々採舟公主人置酒江上屋遠  
客哦詩水邊路明朝巷落更思君海東月上青  
山莫

扈瀆龍王廟晚眺

扈瀆高城今已殘餘木葉灑驚湍風雲浩蕩  
時將暮江水蕭條龍亦蟠千里吳鄉多戰伐孤  
舟蜀客轉飢寒棗洋淚蕙新旧終日思家敢  
怨歎

望南邨二首

南村烟樹接蒹葭白鷺翻々滿白沙此地遂成  
茅屋計何人更識老夫家即開斷壠行新竹便  
接平臯樹雜巷戎馬紛紛終未已此身沉々独

長嗟

野水縱橫不計源  
雜蒼先後自成園  
魚蝦欲上人、取鳥鵲歸來處、喧但得茅茨容老大  
即將耕鑿付兒孫  
淮南未定江南亂  
潦倒无歸却斷魂

次楊廉夫先葦韻

吹笛春江烟霧稀  
幽芳小草總相依  
巫峽寧知雲雨夢  
滄洲欲試芰荷衣  
蒼洲鶴鶴迎人起  
波上魚龍挾棹飛  
不似南州庾亮府  
鄉閩頭白苦

思歸

秋晚東海寓舍

落葉寒蟬小巷深  
枯藤斜日半牆陰  
讀書稚子當軒坐  
為客衰翁倚杖吟  
滄海未知終老計  
白頭難忘故園心  
敝裘零落餘双袖  
清泪年來似不禁

沙邊

沙邊細路少人行  
只有閒蒼樹、明水閣徑春塵自滿  
風簾終日鳥爭鳴  
躬耕豈願將軍頤肥

遜聊成處士名  
白鷺晴烟滿平野  
老夫於此最  
閑情

喜洪山人恕復至

烟巷鷄鳴曙色開  
秋林鵲噪遠人回  
老夫自掃  
風前葉  
稚子兼鋤雨後  
首近市酒漿  
渾易得  
傷  
溪魚鱗亦須來  
鷗邊野水明如鏡  
更坐寒山共  
一杯

亂後貽溪上一二同志

莫道閑居野老貧  
秋園事、可令人隔溪霜柿  
紅於火  
出水寒魚白  
豚銀莫為草茅堆積久  
只  
令兒子掃除頻  
碁局茶甌  
德無恙  
底須相棄不  
相親

飲謝氏東園

謝氏池臺多好春  
風簾水檻不疑塵  
十鍾綠酒  
能留客滿  
對黃鸝更可人  
蝶翅乍驚歌扇遠  
柳  
巷輕觸舞衣頻  
醉餘蕩槳城東去  
正值南湖月  
色新

池上書懷

野水寒水上曲池薄雲斜日下踈籬黃蒿廐  
迷歸路滄海年々少故知北望朝廷非昔日東  
來兒女更依誰老年拄杖犹无力况是飢寒氣  
血衰

兩後西園即事

兩後秋園首藉紅水邊抗稻亦茫々老夫氣懣  
知无用兒子耕耘已有功空盤食惟仗汝暮  
年家事莫煩公勲業文章苒苒杖藜濁酒任  
西東

張叔溫諸公携酒至泖濱明日作此奉謝  
八月風高鴻鴈飛三江潮落鱗螯肥已拚白髮  
如秋水未厭清尊共夕暉氛祲遠連豺虎窟波  
濤晴晃芰荷衣揚雄旧宅城東住騎馬歸來月  
滿扉

觀王生所藏王維畫

石丞小景樹參差我有林塘實似之日日欲歸  
還贈燈時々借看解愁思恨無黃鵠高飛去獨  
奈沙鷗靜不移明日江頭候春水典衣沽酒待

篙師

大雨書寓所壁二首

五月六月雨綿綿、東望黃浦水連天。小溪漫漶不可渡，高岸兀兀何由全。全家童種荷已穿，壁野老捕魚還滿船。南隣少婦亦可惡，濁酒盈缸須見錢。

濕雲密、覆高軒。濁流滴、注滿園。一隻白鳥當窓下，無數黃蜂入戶喧。親朋何由致音問，道路已絕无招援。野瓜新菜最稱意，引蔓淘花滿

敗垣

次廣西省朱郎中熙見寄韵二首

萬里蒼梧入望長，薇垣新治日馨香。已知南去無鶡鏡，更擬西郊聽鳳凰。談咲定在多暇日，羈縻况復有成章。幙中還試鍾王帖，書遍蘭干葉上霜。

衡陽南去與天長，荔子紅椒處處香。明月闌門無虎豹，清風臺閣有鴛凰。包茅已入皆三節，卉服新成有九章。幙下文書自稀少，醉餘崖蜜嚼

紅霜

姚性存將歸鶴沙以詩見別次其韻

十年避地誰知我  
此日看君自可人  
空谷正思駒皎  
清溪還度石磷磷  
韓公住處皆荒服  
區冊歸時及早春  
聞道沙邊風俗好  
老夫東望欲為隣

京師歸至丹陽逢侯生大醉

白下西風吹夜涼  
五湖秋草動微霜  
千家砧杵多凌亂  
獨客閩山正渺茫  
歸去定應殘臘盡  
飄零猶幸此身強  
丹陽郭裏盈樽酒  
且為侯芭發醉狂

歸來

淮甸西風送客歸  
江潭落木正飛飛  
屋邊鶴鶴鳴高堦  
道上狐狸吠敝衣  
濯足每嫌秋岸冷  
攤書還趁夕光微  
倦游季子真相似  
独有賢妻肯下机

鄧外寄王錄事

白鷗黃鳥弄春聲  
綠對清波稱晚晴  
何用城中

走塵土只消江上過清明  
溪深邨濁酒還堪醉野  
老狂歌亦有情寄語東門王  
錄事底須辛苦過  
平生

送曹新民歸東州

十年西浙曳長裾千里東歸拍旧庐  
原上鶴鴒終有托旅中羸博近何如  
朝廷未擬申公使弟子犹傳伏豚書  
江草江花總无限為君今日重嗟吁

賦綠珠得車字

綠珠初嫁石崇家細馬輕駝七寶車  
已用明珠為奩匣更輸白璧教琵琶  
日東樓傾美酒朝朝西苑看名花  
只為恩深不相棄還將玉体委塵沙

陶宅務大使謝廷蘭高州大族也暮年客

中得子索詩故賦此

南來萬里不勝勞此日添丁氣自豪  
庾信甘查方自喜竇家丹桂未為高  
麒麟親送千年瑞鸞鷲初生五色毛  
為語東歸老都尉他年天子召



枚臯

賦黃葉漁邨

陸本元葉字

澤国西風霜對多蕭條茅屋倚江波家人酒饌  
兼蝦菜野老衣裳雜芰荷東海任公時問信滄  
浪孺子亦來歌白鷗亦有忘机意清影相看素  
尔何

懷曾彥魯

不見曾公白髮侵酒杯碁局最関心年華冉々  
情何限江海悠々水正深欲買小舟隨鴈去便

送幽壑聽龍吟

陸本註云前其恒往來龍井

明年春滿長洲

苑柱杖穿蒼屨々尋

過黃耳墓有感

陸士衡在洛被禍時寄書犬也墓在華亭南

黃耳墓前春日遲柳條花萼正參差豪華已逐  
浮雲去異物犹令後代思願養有恩終不肯交  
游何事独相欺春風綠酒人皆醉落日孤舟自  
詠詩

京師懷吳中黃道士

吳下黃師我所憐江湖離別又三年家貧似為

耽詩句在亂誰能與酒錢溪上瓜田在蔓草沙  
邊茅屋正風顛稍待東南春水綠老夫書札寄  
吳船

北山雨望丙申三月一日時張士誠據吳  
凍雨蕭條江上來隨風沾灑氣出哉陸机茅屋  
終雞住伍相祠堂亦可哀獨客飄々何處去孤  
帆寂々幾時回竹枝散斷滄江暮短髮无辜独  
受催

陪貢先生東山樂飲

蘭亭脩袂會群才此日東山亦快哉詩思正隨  
黃鵠去酒懷忽傍白鷗來坐逢細草身偏穩行  
近濃華眼自開日暮前邨騎馬去兒童都道習  
池回

賦梅卷清夢二首

江頭隴畔忽徑行萬籟銷沉月滿庭琪樹園林  
春漠々水晶宮闕夜冥々只愁瑞鳳驚飛去未  
信隣鷄喚得醒犹似芙蓉池畔客偶然相值兩  
浮洋

漢、梨雲凍不飛夜深那得到重瀾初疑海上  
三珠樹未悟江南萬玉妃瑞鳳欲飛風細、隣  
鷄未動月輝、更隨弱水東流去游遍三山夜  
不歸

春日溪上書懷

丙申歲作

溶、春水雜蒹葭嫋、晴風度落花小巷幾時  
佳客至新詩獨向野人誇未聞汗馬收諸國直  
逐閑鷗坐淺沙春色酒杯俱在眼底須辛苦欲  
還家

詠溪上所栽桃

桃樹移栽近淺沙呼兒挿竹護欹斜秋來擬喫  
垂、實春到還看灼、花旋置酒旗深處掛更  
將漁艇密邊遮老夫未是文章手故少新詩對  
客誇

江上早秋

丙申歲作

靡、菰蒲已滿陂菱荇葉更參差即泛景物  
看身處却恠飄零枉歲時得食野鷗爭去遠避  
風江鶴獨歸遲干戈此日連秋色頭白猶多未

玉悲

兵後大醉陶與叔宅

丙申九月

酒到愁腸味自醅花因白髮更精神兒童休咲  
燈前舞老子今存死後身何處江湖為桀土誰  
家門戶有閑人多情独有陶徵士醉遇清秋不  
歌頻

寓所一首

丁酉二月

草閣閑亭春水邊兩蒲風柳自矜然隣翁對客  
還爭席水鳥依人欲上船西北朝廷元使鄧東

南城部有烽烟老夫避地非游說正少蘓家二

頃田

秋日海上書懷

丁酉歲作

寡妹城西消息稀老夫漂泊幾時歸朝廷計議  
知何意丞相征行事已非東去鯨鯢方作橫南  
飛鳥鵲心无依可怜白髮孤邨裏終日哀、賦  
式微

十年不見鶴鷺軍千里犹殘犬彘群涕泪每泛  
天際老撇書誰到日邊闻荆蛮戰克心犹忍淮

寇平來地已分莫怪腐儒東海上時、哀怨動  
秋雲

舟次上海縣

海上鷺風亂鶴飛千邨霜露亦霏、清砧自是  
逢秋起白骨何由遠道歸戈甲只殘蝼蟻命江  
山終屬虎狼威自矜此日身將老况復中宵泪  
滿衣

浦上寓所一首

我有茅堂南浦潯回岡十尺晝陰、繁卷暎帶  
墟烟密弱竹苗連海氣深寂、軒窓惟鳥下蕭  
蕭風雨亦龍吟東家野老猶瀉朴酒熟瓜香數  
見尋

橫溪寓所一首

高林深竹氣冥、野色波光更滿汀草閣雨晴  
鳴翡翠花畦夙暖入蜻蜓書成已與山公絕賦  
就惟教阿買聽犹未忘情是杯酒尚煩隣里致  
盆瓶

獨坐荒園

独坐荒園生事微幽、門巷絕烟霏家人問米  
侵晨去童子將薪薄暮歸肉味敢忘三月久鄉  
情独与寸心違只道年來双鬢改寧知多病不  
勝衣

寄題馬氏草堂兼簡黃二秀才

江上草堂風物幽江卷紅白滿汀洲鳴鳩呼婦  
東西去麋鹿將兒遠近遊已有軒窓成晚趣陸本  
註云草堂有晚趣軒更无舟楫散春愁東林早晚櫻桃熟  
應与黃香數劝酬

追次林太守孟善韵林乃某之季主

大君南國配皇天五馬東來尔独賢龔遂化行  
能賣劍姚崇遺愛合苗鞭生芻未擬登門日白  
髮空悲荐剡年當代何人似班馬欲書循吏与  
流傳

浦上木芙蓉盛開約黃鶴山人共觀

江浦芙蓉色正深清霜點染更沉沉孤舟向日  
曾親見短褐于今欲遠尋已擬携樽同野客不  
妨展席对沙禽明年臂痛应全愈移遍東園野

未陰

江上櫻桃甚盛而予寓所无有忽蘓城友人惠一大合故賦此

野店荒蹊紅滿枝  
暖烟微雨共離披  
忽思西蜀勾圓顛  
正值東吳遠  
送時老子細看方  
自訝兒童驚喜欲成癡  
拾遺門下曾沾賜  
此日飄蓬也

賦詩

荷花

野茨秋菰共一陂  
水禽沙鳥最相知  
濃香浩

無人向瘦影蕭蕭  
只自危歲晏苦心  
終寂寞夜  
深清淚  
淋漓渚宮更  
儼襄王看  
犹恐雄風作  
陣吹

久雨後寓所一首

荒邨處々  
聞流水草閣時々  
半掩扉半陸本  
庭

樹葉深沙鳥宿

宿陸本  
作隱

野藤卷退  
蜜蜂稀  
只將

書劍消長夏  
更倚漢舟送落暉倚陸本  
天意未

教戎馬息  
老夫漂泊敢言歸

得馬叟書作此遠寄

洛陽馬叟女稱賢童稚相看四十年只道詩名傳  
宇內寧知酒債滿江邊蓬蒿久沒揚雄宅鰕菜  
聊隨范蠡船此日將書付歸鴈不知清泪濕

吳箋

作陸本

壬寅九日

野老園籬江水東溥々夕露滿幽叢已教短髮  
送天白未歇秋蒼特地紅身女只今惟仗酒安  
危送此不瀆儂神交賴有陶徵士避地林官意  
頗同

過揚右丞墓

鐵騎千群下九江將軍才氣古无雙欲傾淮海  
鯨鯢窟盡說東南禮義邠閔羽不防吳寇入費  
禘終惑魏人降腐儒憂國思家淚獨向西風灑

石缸

寄南臺掾朱自明時初復役

女祖行臺列俊賢掾郎家女本儒先一時人物  
青雲上十道風霜白晝前最愛群公交荐日正  
逢天子中興幸腐儒飢餓干戈際欲買山陰雪



浚船

登愍忠閣

唐家高閣古城隈，遠客登臨宿霧開。  
諸帝園陵俱寂寞，三韓魂魄尚歸來。  
西山雲氣空中度，東海潮音地底回。  
聞說閩河有戎馬，故園南望獨徘徊。

清明独坐

苍柳千家郭外邨，老夫官屋近荒園。  
晴林渺渺浮雲氣，細草油油疊浪痕。  
川上画船争載酒，烟

中長笛自銷魂。暮年况復追游倦，落日泥墙独闭门。

書寓所西齋二首

繁杏夭桃碧井西，牽牛天棘故相迷。  
遂令錦雉將雛，唯復有黃鸝作隊啼。  
地遠豈知時事改，身闲直与野人齊。  
塘坳来往誰能見，只有兒童識杖藜。

西齋春樹日陰々，下有飛檐一尺深。  
幽意未容他處勝，新詩只向此中吟。  
隣翁小圃春相接，漢

父扁舟晚更尋歸去故園立念此他時懷抱亦  
難禁

登虎溪閣

秋深時節兩霏々，  
獨坐江樓看鴈飛。  
烟火數家山郭晚，  
蓬檣幾處野航歸。  
謀生計畫人皆笑，  
投老鄉閩事已非。  
聞道淮南新易將，  
江湖此日欲

霑衣

敬陸本  
作亦

冶城山晚眺

百尺孤亭落照間，  
六朝遺迹草班班。  
榮華有限

英雄去，  
江水無窮鷓鴣閑。  
商女晚來猶自唱，  
行人春盡不知還。  
故園遙在三江外，  
烟樹微茫獨倚闌。

白燕

故國飄零事已非，  
舊時王謝見亦稀。  
月明漢水初无影，  
漢陸本  
作湘雪滿梨園尚未歸。  
柳絮池塘香入夢，  
梨花庭院冷侵衣。  
趙家姊妹多相忌，  
莫向

昭陽殿裏飛

附時大本和

春社年々帶雪歸海棠庭院月爭輝珠簾十  
二中間捲玉剪一雙高下飛天下公侯誇紫  
額國中俦侶尚烏衣江湖多少閑鷗鷺宜與  
同盟伴釣磯

春日溪上偶書

白髮何煩試鶻冠清江久欲把漁竿涓涓濁酒  
湏成醉嬾々晴花已倦看不忍燕鶯頻往復且  
箇鷗鷺與盤桓東家野老渾知我日々相遇却  
自歡

次方明謙指揮海上築城韻二首

城堞遙連北斗斜島衣從此識中華諸侯幕府  
多春酒上將歌謠雜暮笳別去幾時還下榻興  
來何日欲乘槎為報安期頭白尽更煩重覓棗  
如瓜

旗影翩々整復斜中天星月動光華千群貔虎  
方屯戍万里魚龍聽鼓笳聖主自多開國老小  
夷休恃上天槎却煩上將頻思念時向東門二  
畝瓜

野航為范子俊賦

一舸夷犹野水邊  
渚禽沙鳥各紛然  
幽菴滿棹初推岸  
春水連隄忽上天  
去上風波終未已  
江南烟雨正堪眠  
他日匏尊苗我飲  
更憑孤鶴問坡仙

鏡中梅

的、孤芳野水濱  
折來應是曉粧人  
瑤池風暖香初散  
銀漢春回跡未真  
奔月定知犹有影  
凌波却喜不生塵  
綠毛么厭元  
栖處未往蘭房不歇

頻

飲任氏西園大醉呈諸公

公子西園卷最多  
卷邊展席每經過  
清芳到手休輕折  
白髮欺人可奈何  
爾貴我榮君莫問  
鶯兒燕子總能歌  
醉後不愁路  
歸晚亭、月色滿江波

寄田官馬錄判

馬卿離別又三秋  
行李蕭條古蘆州  
杭稻熟時多有賜  
蒲萄醉後却无愁  
春風白鴈雲邊去  
落

日黃河天際流囊裡新詩三百首選能遠寄海  
東頭

偕黃叔明王元吉錢伯雲張夢辰金彥振  
元夕觀燈會於蕭塘隱居景元率酒屬  
客曰七人四百九十歲為首句以燈字  
為韻予賦此時洪武乙丑也

七人四百九十歲吳家堂上看卷燈皓首龐眉  
方滿座金盃玉碗出清冰三寸黃柑渾似蜜百  
壺春酒況如澠今日相逢總知己老夫歡喜欲

飛騰

海叟集卷之四

雲間

袁

凱景文

著

張所望叔翹校定

五言絕句

京師得家書

江水一千里家書十五行行々无別語只道早  
還鄉

寄家書

白髮時々異青山處々同人行千里外書到五

湖東

龍江夜行

細雨滿江頭，孤蓬夜未休。  
歸心與烟浪，相逐下揚州。

江上二首

野屋藏春樹，江堤倚暮蒼。  
買魚楚苗客，沽酒問吳娃。

日暮江風急，江吞水上飛。  
吳船三十丈，載得錦

雲歸。

因何彥明賦八新效其體

新烟

漫堤初冉冉，渡水尚遲遲。  
一樹梨花色，猶能似舊時。

新水

柳外朝朝雨，平添過日痕。  
往時飛葉渡，今日更銷魂。

新燕

乍拂芳池遠，還窺繡幕重。  
莫將花片蹴，飛舞滿

筵中

新草

水邊春尚淺沙際葉纔穿拾翠双々女道々度  
碧烟

新鶯

芳樹何年到西夢裏驚不須重聽汝只是舊時  
叢

新柳

淺色初含雨輕陰未過池黃昏画接畔最是  
新

腸時

新蝶

怯露依芳蕙驚風入繡帟莫將羅扇撲更待滿  
園飛

新月

既泛碧雲上溟倚綺窓移願得長如此教人  
畫眉

絕句五首

門外青青草今年更竟深前時玉釵墮侍婢不



能尋

羊車行樂處歌吹隔蕭牆賴有隣房女時來說  
故鄉

月落長門空千門夜色濃夢間無限樂不道在  
宮中

春衣裁剪罷密葉間穠蕊縫到此央處行、線  
脚斜

海內雖无事朝中有諫書大家犹未省不敢候  
羊車

寄王九秀才

夫子久不見生涯今若何惟在江水上日、採  
菱荷

詠馬九首

生長月支国何年入漢疆犹依水草意嬾逐左

賢王

將軍皆衛霍不復見韓彭馳騁沙場日、意  
不平

玉汗通身濕牽來陣、香曾騎妃子宴疑是荔

枝榮

穆王乘八駿此骨独超群繫向蟠桃樹飛卷散  
滿身

雪落天山夜風吹瀚海乾驚駘俱凍死此骨独

禁寒

秦政無靈氣漢武非仙才當時若遇此一直上

蓬萊

鞭策相驅急身心不自持每當艱險地有巧不

能施

荒郊還独卧泪眼幾曾開歷々徑行路時々入

夢來

老眼筦曾開荒郊独往來誰能飽菟菽犹矇策

驚駘

六言絕句

江上二首

北固城頭晚眺西津渡口波白髮人々自老

青山處々還多

山下旌旗閃々江邊楊柳依依騎馬將軍遠戍

吹簫漢翁醉歸

淮安道中

山陽城中細雨廣陵堤上飛  
蒼估客時時吹笛  
行人處處思家

郊居三首

西舍槽頭溜  
南園鳥弄溪  
數觥香醪獨酌  
一樹梨花半殘  
日轉花陰傍  
戶雨餘山色沿  
堤一隻蝴蝶對舞  
幾箇鶯兒亂啼

荒園處處閑步小閣時時燕居  
阮籍惟思飲酒

嵇康最嬾讀書

醉歸

北渚看花早起東隣醉酒歸  
遲為問臺中官馬  
別來幾許人騎

閑步二首

春園偶爾独往晚徑蕭然自還  
芳草烟中冉冉  
落花風外班班  
半雨半晴天氣  
半開半落山  
蒼半醉半醒  
游客

半邨半郭人家

七言絕句

題趙王夜宴圖

玉戶金缸夜未央  
邯鄲宮裏奏絲簧  
鄭姬已醉韓姬倦  
誰拂君王白象床

題吳王內涼圖

微月斜侵響屨廊  
芙蓉清氣滿金塘  
北央只傍瀾干宿  
也愛君王水殿涼

題吳宮哀柳圖

遠岸依依落日明  
吳王醉處少人行  
多情独有垂楊樹  
猶送深宮夜雨聲

遣懷

白髮三江一腐儒  
長年耽酒不耽書  
偶逢世亂無生計  
落日烟中自把鋤

日莫即事

茅屋秋來破不暎  
野雲沙樹自層層  
老夫生理全拋廢  
日、江潭去採菱

送王生還吳中

陸机宅畔送王紳泰伯祠西覲二親他日得書  
報知已東門還憶種瓜人

訪張道士題壁

道士門前春日温  
千重碧草睡鶯群  
山嵐忽送  
挑卷雨湿遍  
沐頭白練裙

歸來

京國歸來老更窮  
短衣蕭瑟怕秋風  
不知飢餓  
填滿空日々吟哦  
江水東

淮東逢張十二信

少年追逐共西東  
吳邁文章馬亮弓  
一自干戈  
零落尽白頭  
淮海独相逢

寄錢彥德

故人別我山東去  
千里長淮渡大河  
此日題詩  
付兒子白頭  
清淚不勝多

淮園

荒��渺々接連筒  
葱蘢葉青芥葉紅  
不道虞卿  
著書手白頭  
衣食野人同

題張子正雪山圖

西嶺千秋凍不消人家窓戶總瓊瑤不知海上  
張公子曾過成都萬里橋

口號一首

丁酉歲作

白沙鄉裏今幸熟清酒家、味頗醇明日杖藜  
行處醉只愁鞦韆惱比隣

杜彥清携班竹簫作數數賦此以贈

杜家兄弟我相知兄既云亡弟亦哀由得瀟湘  
江上竹夜深持向月中吹  
蒼梧魂去已難招帝子臨江雪未消白髮伶倫

多古調令人送此憶前詔

送王御史東海監散竈丁二本

王郎五月赴監亭十丈官船酒滿瓶稍待涼風  
吹木葉老夫東下看滄溟

贈歌舞女童

漳河女子荐良童名在先朝樂部中記得教坊  
新隊子江南江北舞春風

已未九日對菊大醉戲作四首

老夫愛此黃金蓋兒子須將白酒賒直到殘陽

下天去更添燈火照歌斜  
避莫隣家酒已无教兒更往遠邨沽老夫強健  
如平日醉過三更不要扶

只今何處无黃菊醉看茅茨有幾人賢婦稍能  
知此意殺鷄為黍莫辟貧

縱道今年杼軸貧乃翁才力不超群明朝若賣  
長門賦還尔黃金一百斤

江上舟中聞笛

誰家吹笛倚江樓江上行人夜未休独有思家

兩行泪為君揮洒下揚州

陪鄭德明倪元鎮游天屏山四首

官河春水綠悠悠水上人家盡画樓買取吳娃  
三日酒放船直到百卷洲

高臺千尺對層峦只許吳王醉裡看山色不隨  
勾踐去游人還得倚蘭干

鄭監風流老不復倪寬頭白更在痴吳越英雄  
已泥土欲從江海問西施

百花洲上百卷開花是吳王旧日栽吳王去漫

無消息歲々看卷人自來

醉後口號二首

新書欲獻帝王家奈此家貧道路賒  
醉卧江邨風雪裏時々自比賈長沙  
誰人更識賈長沙老作江南百姓家  
但使甌中有春酒不勞慟哭與長嗟

竹枝歌江上看卷作

吳淞江上好春風水上花枝處  
同得似死與與鷓鴣時  
來往錦雲中

水上蒼枝日々開行人頭白不能來  
請看門外東流水流向滄溟更不回

江水東流更不回行人白髮苦相催  
只恐明朝風雨惡夜淚燒燭亦須來

千株雲錦照江沙  
上青旗賣酒家莫恠狂夫  
狂得徹吳姬玉手好琵琶

吳姬玉手好琵琶  
少小聲名到處誇  
但使主人能愛客年々來此看江卷

江花紅白最堪憐  
莫惜看卷費酒錢  
他時白髮



三千丈縱使頻來不少年

黃家渡西多好春黃家渡上酒能醅看卷喫酒  
唱歌去如此風流有幾人

寒食清明正好春看卷須着少年人年少看花  
花自喜白髮看花亦嗔

淞江水碧於天水上行人坐画船記得吳兒  
竹枝調為君高唱百卷前

日：花前金叵羅百年能得幾徑過花開卷謝  
人還老狂客狂吟莫歎多

寄語看卷江上人清明時節好來頻清明節後  
多風雨風雨顛狂惱殺人

風雨宿蕭山

東來山郭晚秋時白酒黃柑與不氣欲倩山陰  
王逆少為書風雨渡江詩

送賀九成歸浙東兼簡王若水

賀老秋來憶鑑湖荷卷揚柳正扶疎西過錢塘  
見王宰東門今少種瓜圖

灰步夜泊

千里長江兩乍晴  
江頭燈火夜深明  
為報高樓莫吹笛  
故園東望不勝情

揚州逢李十二衍二首

與子相逢俱少年  
東吳城郭酒如川  
如今白髮知多少  
夙雨揚州共被眠

最憶東家水調歌  
卷前檀板雜流鶯  
此時我醉君犹醒  
舞到梧桐白露生

題老蛟化江叟吹笛圖

吳頭楚尾老髯翁  
千里烟波有故宮  
日暮江亭

不歸去猶將玉笛倚秋風

附顧祿和韻

千里神龍化作翁  
月明吹笛倚龍宮  
曲散不許人間聽  
散入重湖半夜風

閑題

相如真是小人儒  
只解人前賦子虛  
負郭薄田三十畝  
文君何用自當壚

城西送鄧生二首

千山風雪正霏々  
君去金陵幾日歸  
鳳凰臺上

還吹笛東望滄溟淚滿衣

東望滄溟涕泗垂  
閨中少婦亦霑衣  
他時若有相思字  
只寄春江燕子歸

夜至瓜州

瓜洲人家燈火微  
瓜洲陂上行人稀  
敲門買得雙清酒  
船在西陵逆浪歸

寄謝蔡道士惠山水障

荆門道士蔡崑丘  
筆底丹青似虎頭  
寄我江南山水障  
令人日夜憶滄洲

費夫人

宮軍應賊着紅巾  
苗獠來時更不仁  
若道南州無鄙婦  
請看東海費夫人

楊員外

群盜南奔日月昏  
諸公巨節不須論  
白頭唯有楊員外  
不負送來天子恩

寄錢德仁錢士脩二國錄兼簡王司業

錢翁父子教成均  
文筆誰當繼後塵  
若見青龍老司業  
還提江海釣魚人

朝天宮現方道士所画三山圖三首

東流弱水不勝塵漢武樓臺空自陳欲借橫江  
孤鶴去須憑南嶽魏夫人

巨魚出沒浪波腥東望三山路杳冥安得秦皇  
射蛟手為操強弩下滄溟

方壺少小李為仙筆底三山豈偶然見說麻姑  
頭總白不知何用得長年

寄三江王六秀才

滄洲荷屋晚秋時橘柚青黃滿戶垂安得扁舟

趁潮去醉看江雨散輕絲

溪上諸友謂予終日酣醉寄此見意

好酒揚雄髻已星紫頭空有太玄經只道人來  
問竒字寧知門外草長青

調馬益之

水邊欄檻早涼天荷葉荷花盡可憐安得人如  
趙飛燕夜深燒燭舞翩躚

調鄭老

鄭老曾為前代官江湖相見獨飢寒不道夜深

霜露重猶將玉笛倚闌干

送鄭老歸襄陽二首

春風回首古檀溪老子茅茨溪水西  
鳳凰臺上還相憶烟浪無窮碧樹低

我愛襄陽老鄭虔高樓吹笛動秋烟  
他時若有平安信即寄江東估客船

南京口號六首

君王現瀾倚天開画出金山復壯哉  
率土再瞻龍虎氣高臺還見鳳凰來

聖帝明王德業尊親為清廟固西門  
皇心自足超前古况漫貼謀及後昆  
放牛歸馬淨塵埃地北天南道路開  
火鷄馴象時：貢不數周家白雉來

南夷潭水渥洼津幻出龍駒玉雪身  
咲殺公孫井蛙耳天生神物待真人

春雨初晴霽色開天街風雨少塵埃  
白面郎官調御馬雙騎過午門來

駕出東華正好春山中草木更精神  
楊雄老去

才情減羞見新來獻賦人

即事二首

洛陽人賈愛名姬富樂園中飲酒歸千步長廊  
好騎馬不愁春雨夜露衣

天街酒好不須言絃管春風處、喧舊傳北地  
鳴珂巷得似南京富樂園

寄北山明上人

明公持律太精嚴一住空山歲月淹  
聞道新葺結蓮社還能沽酒引陶潛

重過黃渡有感

馬家宅畔無喬木徐氏門前芳草多  
因得白頭漁父在年、長笛響瀟波

題西巖精舍

西巖流水夜冷冷流出松根見茯苓  
八十老僧忘處、間將佛法教山精

紅梅

江上千株雪未消別來渾似董嬌嬈  
揚州何遜頭先白奈此春雲亂眼飄

徐子厚宅賞牡丹

巨室高門今已非當時臺榭總烟霏  
独有徐家後園裡金盃玉枕待人歸  
名花朵、擁雕簷画燭、出繡簾最是主人  
能愛容高堂春酒夜歌：

石頭城晚望

落日依、下石頭亂雲東望是蕪州  
人間何似歸心切独有春江不斷流

觀沙鷗

門外群鷗我所知終朝相見不相疑  
借爾橋東揚柳岸明春春日更添兒

江上寄嚴八

一春不見嚴夫子底事城中不肯還  
門外白鷗三萬箇幾時相對綠波間

江上寄書

湘南估客發西津東入姑蘓花正春  
独有相思數行字欲送江海問情人

醉書壁

芙蓉花開滿高岸，還如杜老蜀江邊。田夫野客  
頻來看白酒，黃鷄不用錢。

淮西夜坐

蕭蕭風雨滿，濁河酒盡西樓。聽鴈過，莫怪行人  
頭白。盡異鄉秋色，不勝多。

李陵泣別圖

上林木葉鴈南飛，萬里蕭條使節歸。猶有交情  
兩行淚，西風吹上漢臣衣。

題龍江酒家二首

金陵美酒玉光浮，父老相傳最解愁。安得身无  
官府事，長年高卧竺家樓。  
江上青旗映白沙，壚頭美酒玉無瑕。李白當年  
曾醉此，莖蒼落尽不思家。

登閣

木落淮南秋色空，閒登高閣送歸鴻。白頭老婦  
痴兒女，盡在蕭條望眼中。

客中夜坐

落葉蕭蕭，淮水長，故園歸路更微茫。一簫新鴈



三更雨何處行人不斷腸

賦得西施

當時生長苧蘿邨山色元光水亦渾  
勾踐得時方自喜吳王見後即銷魂

憶南湖二首

我憶南湖春酒香百錢亦可解愁腸  
湖頭白藕猶堪愛正似佳人玉臂長

南湖沈叟愛吟詩似當年社牧之一  
自干戈不相見令人隻髻欲成絲

浦口竹枝

浦口荷花生紫烟  
卷時日醉沙邊更將荷葉包魚鱗  
老死江南不怨天

邨園露坐

暑氣銷沉夜氣濃  
倚天秋樹細含風  
誰家白鶴三千隻飛過先生草屋東

調王生

門外桃花落漸多  
一雙新燕又來過  
寄語城東王貢士今年春酒味如何

題妓展僧像

陸本止第二首  
題云寄歎齋

不見秋娘今幾年  
水光山色自悠然  
月明樓上天如水  
猶憶梁州第四弦  
不見歎齋心自苦  
金陵又渡向金華  
蒞春草蕪春水腸  
斷東風日易斜

寄頌文昭

最憶頌家池水湄  
千株吾石坐題詩  
如今又是三年別  
白髮蕭蕭只怕垂

過潯陽

夜泊潯陽江上沙  
扁舟何處載琵琶  
西風不管水流去  
依舊滿汀開荻花

諸公携酒蘓臺餞  
別醉歸海上作此奉謝  
吳王洲上百花開  
花下人勸酒杯醉  
卧春江三百里不知月  
過海門來

聞山東消息三首

王事私恩不共天  
益都城下枕戈眠  
鯨鯢戮盡為京觀  
孝子忠臣億萬年  
縱道山東柱石傾  
華夷黎庶不須驚  
張皇國勢

如平日庶事新來總父兵  
從今父老不須悲庶事英名四海知漢室中興  
吳楚破條侯元是絳侯兒

江上逢鄭老

鄭老形容今已臬江頭相見涕漣漣自說琴書  
零落盡餘吹笛似桓伊

登閣追憶北山張道士

閑登高閣看春雨忽憶空山聽暮鐘道士已隨  
黃鶴去北山依舊白雲封

海史集卷之四終

題海叟集後

海叟集舊有刻又別有選行在野集者暇日因  
與李獻吉員外共讀之又刪次為今集云先生  
多權奇有才辨雅善談謹卒亦以此自免於難  
顧其詩乃雅重悲壯渾雄沉鬱殊不類豈先生  
別出其餘以應世而中之所有固自不可測聊  
深先生鄉人也恨相去遠無從考論姑誦其詩  
以附孟氏私淑之義云

陸深

是編為海叟手定全集 國初刻于張氏者久

燬陸公儼山因編次為別本蓋急于流布也 五  
所傳在野集者中多未張二公以己意更竄知  
烟樹微茫獨倚闌改為烟樹微茫夢裡山故國  
飄零事已非改為老去悲秋不自知蓋淺于知  
叟者矣然郡中作者代起而鮮知叟何耶其富  
有力者又多讖毒無暇為前筆表章風雅每與  
西谷張君論及汲有感焉因出視此編漫識其  
實如此嘉靖甲子春郡人董宜陽書

表海叟詩集四卷乃叟手自編定者也叟生於

隸國避亂家居 洪武初辟為御史尋謝病免

歸其履歷之詳載在郡志可考而知也余嘗訪

其子孫則湮沒無聞焉故通來吾松藝苑之士

鮮有知叟者可慨也其集舊刻於祥澤張氏歲

久不傳弘治中陸儼山先生於京師購得寫本

已多朽爛復加詮次乞序於何李二公僅十之

六七耳二公驚嘆以叟為 國初詩人之冠夫

何李 當代名家高視海內今其言若此則吳

中四傑當出其下矣及讀其集樂府古詩直窺漢魏近體歌行專主於杜而出入盛唐諸家其辭多悲歌慷慨者實本於憂亂閨世之情亦其時之所遭也何李之言不虛哉今春夏日與紫岡董君論及叟詩董君出余師西谷張公家藏祥澤舊刻即叟所自編者喜出意外因取活字板校印百部傳之同好數十年後倘此本有存則叟之名因以不墜而吾松文獻亦庶幾有徵哉

隆慶庚午五月望後學何玄之書